

Faahororaa no te Faaineineraa no te putuputuraa Oraraa e taviniraa

3-9 NO TITEMA

TAO'A RAU BIBILIA | OHIPA 9-11

“Te hoē taata ino mau tei riro mai ei taata poro itoito”

bt-F 60 par. 1-2

Vai a'era te amuira "i roto i te hau"

Fatata teie mau taata tere ino mau i te **tae** i Damaseko. E opuaraa ino mau ta ratou. Inaha mea riri na ratou i te mau pīpī a lesu, te hinaaro ra ratou e tapea, hamani ino e afai i taua mau pīpī ra i Ierusalemia i mua i te Sunederi.

² O Saulo to ratou aratai. Aita i maoro a'enei, ua farii oia ia haapohe to 'na mau hoa ati luda ia Setephano, te hoē pīpī taiva ore a lesu. (Ohi. 7: 57-8:1) No 'na, aita e navai ia haru i te mau pīpī a lesu e ora ra i Ierusalemia. Ua ineine roa o Saulo i te haaparare i te hamani-ino-raa. Ua hinaaro oia e faaore roa i teie pūpū taata ino mau piihia "te E'a."—Ohi. 9:1, 2.

bt-F 64 par. 15

Vai a'era te amuira "i roto i te hau"

¹⁵ Te ite ra anei outou i te maere, te hitimahuta e te riri o te nahoa a ite ai ratou ia Saulo i te pororaa no nia ia lesu i te mau sunago? Te ani ra ratou: "E ere anei teie te taata i hamani ino u'ana i te feia e faahiti ra i te i'oa o lesu i Ierusalemia?" (Ohi. 9:21) A faataa 'i no te aha oia i taui ai i to 'na mana'o no nia ia lesu, ua 'haapapu o Saulo e o lesu te Mesia.' (Ohi. 9:22) Noa 'tu te mau haapapuraa, aita te mau taata atoa i farii i te reira no to ratou peu tumu aore ra teoteo. Ua tamau rā o Saulo i te poro atu.

A maimi i te mau poe pae varua

bt-F 60-61 par. 5-6

Vai a'era te amuira "i roto i te hau"

⁵ A tapea 'i lesu ia Saulo e haere ra i Damaseko, aita lesu i ani: "Eaha oe e hamani ino ai i ta 'u

mau pīpī?" Mai tei papaihia i nia 'tu, ua parau oia: "Eaha oe e hamani ino ai **ia 'u?**" (Ohi. 9:4) E au ra e o lesu iho te faaruru ra i te mau ati a ta 'na mau pīpī.—Mat. 25:34-40, 45.

⁶ Mai te peu te hamani-ino-hia ra oe no to oe faa-roo i te Mesia, ia papu ia oe e te ite maitai ra lehova e lesu i ta oe e faaruru ra. (Mat. 10:22, 28-31) I teie nei, te vai noa â te fifi. A haamana'o rā, ua ite lesu ia Saulo i te fariiraa i te haapoheraa ia Setephano. Oia atoa i ta Saulo raveraa i te mau pīpī taiva ore no te afai atu i Ierusalemia. (Ohi. 8: 3) Aita lesu i haa i taua taime ra. Tera rā, ua faaohipa lehova ia lesu no te horoa i te puai hinaarohia ia Setephano e te tahi atu mau pīpī no te vai taiva ore.

nwtsty nota haapiiraa no nia i te Ohi 10:6

Simona, te hoē rapaau iri: E ohipa te hoē rapaau iri i nia i te iri animara. E pu'a oia i te reira no te tatara i te mau huruhuru, te i'o e te mii. I muri iho, e tuu oia i te hoē raaum hamanihia maoti te tahi mau raaum tupu i nia i te iri animara. E nehe-nehe 'ia e faaohipahia i te reira no te hamani i te tahi mau tao'a iri puua. No te hau'a ino, e titauhia e rave rahi pape no te ohipa i nia i te iri animara. No reira paha **tei tatahi** to Simona fare, i rapaeau o te oire o lopa. Ia au i te ture a Mose, e riro te taata tei ohipa i nia i te tino pohe animara ei mea viivii i te pae o te haamoriraa. (Le 5: 2; 11:39) No reira ua hi'o ino te ati luda i te feia rapaau iri e no reira aita ratou i farii i te noho i õ taua mau taata ra. I muri iho, ua tapaohia i roto i te Talmud e mea ino a'e te ohipa rapaau iri i te taata ohi tutae animara. Tera rā, aita o Petero i mana'o ino ia Simona e ua noho oia i õ o 'na. Na te reira paha i faaineine ia 'na i te hopoia ta 'na e fana'o i muri iho, oia hoi ia haere e farerei i te hoē taata e ere i te ati luda i to 'na fare. No vetahi mau aivanaa, ua riro te ta'o Heleni hurihia ei "rapaau iri" (*bureseo*) ei i'oa pii no Simona.

10-16 NO TITEMA

TAO'A RAU BIBILIA | OHIPA 12-14

“Ua faario Baranaba raua Paulo i te taata ei pīpī i te mau fenua atea”

bt-F 86 par. 4

Î i te oaoa e te varua mo‘a

⁴ Tera rā, no te aha te varua mo‘a i parau ai ia faataa mai ia Baranaba raua Saulo “no te tahī ohipa”? (Ohi. 13:2) Aita te Bibilia e pahono ra. Ta tatou e ite, ua faaohipahia te varua mo‘a no te maiti i taua mau tane ra. Aita i parauhia e ua patoi te mau perophta e orometua haapii no Ane-tiohia i tera faaoitiraa. Ua turu rā ratou i te reira. A feruri na i to Baranaba raua Saulo huru a ite ai i to raua mau taeae tei ‘haapae i te maa, pure, tuu i to ratou rima i nia iho ia raua e tei tono ia raua’ ma te ore e pohehae. (Ohi. 13:3) E titau-atoa-hia ia tatou ia turu i te feia tei fana‘o i te hopoia, mai te mau tiaau haaati. Eiaha e pohehae i ta ratou hopoia. Mea maitai a‘e rā “ia hau atu â to [tatou] hamani maitai ia ratou ma te here, no ta ratou hoi ohipa e rave ra.”—Tes. 1, 5:13.

bt-F 95 par. 5

“Macti te mana o lehova, poro atura raua ma te taiā ore”

⁵ I te omuaraa, ua faaea o Paulo raua Baranaba i Ikonio, te hoē oire ê mea puai te taere Heleni e hoē o te mau oire faufaa o Galatia, te hoē tuhāa fenua Roma. Mea rahi te ati luda e tiaraa teitei to ratou e te feia ēē tei farii i te haapaoraa ati luda i Ikonio. Mai ta raua i matau i te rave, ua tomo Paulo raua Baranaba i roto i te sunago e ua poro raua. (Ohi. 13:5, 14) “No to raua ite i te paraparau, tiaturi a‘era e rave rahi roa ati luda e Heleni atoa ia lesu.”—Ohi. 14:1.

A maimi i te mau poe pae varua

w08-F 15/5 32 par. 7

Manā‘o faufaa o te buka Ohipa

12:21-23; 14:14-18. Ua farii oioi o Heroda ia faahanahanahia oia mai te Atua. Area o Paulo raua Baranaba, ua patoi hua raua i te mau arueraa a

te taata! Eiaha roa ’tu tatou e titau i te mau faahanahanaraa no te tahī noa “e ohipa ta tatou e rave i roto i te taviniraa a lehova.

nwtsty nota haapiiraa no nia i te Ohi 13:9

Saulo pii-atoa-hia Paulo: Mai teie irava, e pii-atoa-hia o Saulo, Paulo. E Hebera te aposetolo mai to ‘na fanauraahia mai e ua fana‘o atoa oia i te tiaraa ei tino huiraatira Roma. (Ohi 22:27, 28; Php 3:5) No reira paha mai to ‘na nainairaa, o Saulo to ‘na i‘oa Hebera e o Paulo to ‘na i‘oa Roma. E ere i te mea maere no te ati luda i taua taua ra ia amo e piti i‘oa, i rotoru iho â rā i te feia tei ora i rapaeau ia Israela. (Ohi 12:12; 13:1) E i‘oa Roma aore ra Heleni atoa to vetahi mau fetii o Paulo, taa ê noa ’tu i to ratou i‘oa Hebera. (Ro 16:7, 21) Ei aposetolo tei “tonohia ’tu i te mau nunaa ēē,” ua faatoroahia Paulo ia faaite i te parau apī oaoa i te feia e ere i te ati luda. (Ro 11:13) E au ra e ua faaoti oia i te faaohipa i to ‘na i‘oa Roma no te mea e farii-maitai-a‘e-hia paha te reira e te tahī atu mau nunaa. (Ohi 9:15; Ga 2: 7, 8) No vetahi, ua maiti oia i to ‘na i‘oa Roma no te faahanahana ia Serigo Paulo. E ere rā i te mea tano no te mea ua tapea o Paulo i tera i‘oa noa ’tu ua faarue oia i Kupero. No te tahī atu, aita Paulo i hinaaro e faaohipa i to ‘na i‘oa Hebera no te mea hoē â huru to ‘na faahitiraa parau Hele-ni i te tahī atu ta‘o Heleni faaohipahia no te hoē taata (aore ra animara) o te faateitei ia ‘na a ha-haere ai.

Paulo: I roto i te mau Papai Heleni Kerisetiano, ua faaohipahia te i‘oa *Paulo* 218 taime no te apo-setolo Paulo e hoē noa taime no Serigo Paulo, te tiaau o Kupero. (Ohi 13:7) O “nainai” ia te auraa o te i‘oa *Paulo*.

A RAVE MAITE I TA OE TAVINIRAA

Oreroraa parau

bt-F 78-79 par. 8-9

“Atutu atura te parau a lehova”

⁸ Ua ite maitai te amuira a eaha te rave. Te na ô ra te Ohipa 12:5: “A tiaihia ‘i Petero i roto i te tapearaa, tamau noa ‘ura te amuira a i te pure i te

Atua no 'na." Papu maitai, e mau pure putapû mau e te puai ta ratou i faahiti no to ratou taeae. I muri a'e i te poheraa o lakobo, aita ratou i hepo-hepo. Aita atoa ratou i mana'o e mea faufaa ore ta ratou mau pure. Mea faufaa roa te mau pure no lehova. Mai te peu te tu ra te pure i to 'na hinaaro, e pahono atu oia i te reira. (Heb 13:18, 19; lak 5:16) Teie te hoê haapiiraa ta te mau Kerisetiano e hinaaro ra e haafaufaa i teie mahana.

⁹ Ua ite anei outou e te faaruru ra te mau hoa Kerisetiano i te tamataraa? Peneia'e te faaruru ra ratou i te hamani-ino-raa, te opaniraa a te mau faatereraa aore ra te ati natura. E nehenehe outou e pure no ratou, e ere anei? Peneia'e ua ite outou e te faaruru ra te tahi atu i te fifi i roto i te utuafare, te toaruaru aore ra te tahi atu mau tupuraa o te haafifi ra i to ratou faaroo. A ferururi hou a pure ai. E nehenehe ia outou e faahiti i te i'oa o e rave rahi taata a pure ai ia lehova "tei faaroo i te pure." (Sal 65:2) E hinaaro atoa hoi outou ia na reira te mau taeae e tuahine no outou ia faaruru atoa outou i te mau tupuraa fifi mau, e ere anei?

17-23 NO TITEMA

TAO'A RAU BIBILIA | OHIPA 15-16

"Te hoê faaotiraa rave-amui-hia maoti te mau aratairaa Bibilia"

bt-F 102-103 par. 8

Ua tupu te hoê mâtôraa

⁸ Ua papai o Luka: "Mâtô e patoi atura Paulo raua Baranaba ia ratou e faanahohia 'tura e ia pauma Paulo, Baranaba e te tahi mau taeae i lerusalema e farerei i te mau aposetolo e te mau matahiapo no te faaite atu i taua fifi ra." (Ohi. 15:2) Te faaite ra te mau ta'o "mâtô e patoi" e aita taua püpü e pitii ra i hinaaro e tuu. No reira, aita te amuiraa i Anetiohia i nehenehe e faatitiaifaro i te fifi. No reira, ia vai noa te hau e te auhoêraa, ua rave te amuiraa i te faaotiraa i te paari ia ani i te tauturu "i te mau aposetolo e te mau matahiapo," tei riro mai te tino aratai. Eaha ta tatou

e haapii mai i te hi'oraa o te mau matahiapo i Anetiohia?

bt-F 123 par. 18

"Faaititoraa i te mau amuiraa"

¹⁸ Ua ohipa amui o Paulo raua Timoteo e rave rahi matahiti. Ei tavini ratere, ua amo raua e rave rau hopoia ta te tino aratai i horoa 'tu. Te na ô ra te Bibilia: "A ratere ai ratou na te mau oire, ua faaite ratou i to reira mau taeae i te mau faaotiraa a te mau aposetolo e a te mau matahiapo no lerusalema, ia haapao hoi ratou." (Ohi. 16:4) Papu maitai, ua pee te mau amuiraa i te aratairaa a te mau aposetolo e a te mau matahiapo i lerusalema. No to ratou auraroraa, "mau papu noa 'tura . . . te mau amuiraa i roto i te faaroo e rahi noa mai ra te mau mero o te mau amuiraa i te mau mahana atoa."—Ohi. 16:5.

A maimi i te mau poe pae varua

nwtsty nota haapiiraa no nia i te Ohi 16:37

o mâtua e taata Roma: Aore ra tino huiraatira Roma. E tiaraa ei tino huiraatira Roma to Paulo e e au ra e to Sila atoa. Ia au i te ture Roma, aita te hoê taata Roma e faautuahia i mua i te taatooraa mai te peu aita oia i haere i mua i te tiripuna. Maoti te tino huiraatira o Roma, e fana'o te taata i te tahi mau tiaraa e fana'oraa taa ê i te mau vahi atoa faaterehia e to Roma. Tei raro a'e oia i ta ratou mau ture, eiaha râ i ta te mau mâtæinää. Ia faahapahia oia, e nehenehe ta 'na e farii ia haavahia o 'na ia au i te ture o tera mâtæinää. E nehenehe atoa râ ta 'na e ani ia haere i mua i te tahi tiripuna Roma. Mai te peu o te pohe te faautuaraa, e tiaraa to 'na ia ani ia farerei i te faatere o Roma. Ua poro rahi te aposetolo Paulo ati a'e i te tuhah fenua faaterehia e to Roma. Ua faaohipa oia i to 'na tiaraa tino huiraatira no Roma e toru taime. Ua na reira oia i te taime matamua i Philipi a faaara 'i oia i te mau haava o te fenua o tei hamani ino ia 'na e aita ratou i haapao i to 'na tiaraa.—No te ite eaha te tahi atu na taime e pitii i na reira 'i Paulo, a hi'o i te Ohi 22:25; 25:11.

24-30 NO TITEMA

TAO'A RAU BIBILIA | OHIPA 17-18

"A pee i te hi'oraa o te apusetolo Paulo i roto i te pororaa e te haapiiraa 'tu"

nwtsty nota haapiiraa no nia i te Ohi 17:2, 3

haaferuri: Aita o Paulo i faaite noa i te parau apī oaoa. Ua faataa oia i te reira e ua faaite atu i te mau haapapuraa **ma te faaohipa i te mau Papai**, oia hoi te mau Papai Hebera papaihia i raro a'e i te aratairaa o te varua mo'a. Aita oia i taio noa i te mau Papai. Ua feruriruri oia i nia i te reira e ua faatano oia i to 'na huru haaferuriraa ia au i te taata ta 'na e farerei. Teie te auraa o te ta'o Heleni *dialogomai*: "haamata i te hoē aparaura, tauaparau, aparau." E ere noa hoē taata o te paraparau. Ua faaohipa-atoa-hia teie ta'o Heleni i roto i te Ohi 17:17; 18:4, 19; 19:8, 9; 20:7, 9.

haapapu atura ma te faahiti i tei papaihia: Teie te auraa tumu o tera parau na roto i te reo Heleni: "tuu i pihai iho." E au ra ua faaau maite o Paulo i te mau parau tohu no nia i te Mesia i roto i te Papai Hebera e te mau tupuraa o to lesu oraraa. Ua faaite oia e nafea lesu i faatupu ai i taua mau parau tohu ra.

nwtsty nota haapiiraa no nia i te Ohi 17:17

te mahora: I Ateno, i te pae apatoerau tooa o te rā o Acropolis, te vai ra te hoē mahora (*agora* na roto i te reo Heleni) e 5 ta te aano aore ra hau atu. E ere noa tera mahora i te hoē vahi e hoo mai e e hoo atu te taata. Ua riro te reira ei pu taphoo, poritita e taere. E matau to Ateno i te haere i tera vahi taata no te haamata i te mau tauapauraan maramarama.

nwtsty nota haapiiraa no nia i te Ohi 17:22, 23

Na te hoē Atua aita matou i ite o vai: Ua papaihia te mau ta'o Heleni *agenosetoi teoi* i nia i te hoē fata i Ateno. Ua faaite to Ateno e te māta'u ra ratou i te mau atua ma te patu e rave rahi hiero e fata. E patu atoa ratou i te fata no te mau atua papu ore, mai te atua piihia Hanahana, Hae-haa, Ito, Feruri e Aroha. Peneia'e ua māta'u ratou i te mo'e i te hoē atua e ia riri mai tera atua. No

reira ratou i pūpū ai i te hoē fata "na te hoē Atua aita . . . i ite o vai." Maoti taua fata ra, ua farii te nunaa e te vai ra te hoē Atua ta ratou i ore i ite o vai. Ua faaohipa o Paulo i tera fata no te poro atu no nia i te Atua mau, aita hoi ratou i ite o vai Oia.

A maimi i te mau poe pae varua

w08-F 15/5 32 par. 5

Mana'o faufaa o te buka Ohipa

18:18—Eaha te euhe a Paulo? No vetahi aivanaa, o te hoē paha euhe Nazira. (Num. 6:1-21) Tera rā, aita te Bibilia e parau ra eaha te euhe a Paulo. Hau atu, aita te Bibilia e faaite ra ua euhe anei Paulo hou to 'na tauiraa i te faaroo aore ra i muri iho. Aita atoa e parauhia ua faatupu anei oia i ta 'na i euhe i taua taime ra aore ra te haamata ra oia i te na reira. Te mea papu rā, aita Paulo i hara a euhe ai oia.

nwtsty nota haapiiraa no nia i te Ohi 18:21

mai te peu e e hinaaro lehova: Te haapapu ra teie parau e titauhia ia ite eaha to te Atua hinaaro hou a rave ai i te tahī ohipa aore ra a opua 'i i te reira. Ua haamana'o maite te apusetolo Paulo i tera aratairaa. (Ko1 4:19; 16:7; Heb 6:3) Te parau atoa ra te pīpī o Iakobo i te feia taio Bibilia: "la tia ia lehova, e ora īā tatou e e rave i teie aore ra i tera." (Iak 4:15) E ere te reira i te ohipa hauti. Ia parau te hoē taata "ia tia ia lehova," e mea tia ia 'na ia tutava i te ohipa ia au i to lehova hinaaro. Aita e titauhia ia faahiti i tera parau ma te reo puai. Pinepine te taata i te parau i te reira i roto i to 'na aau.—A hi'o i te buka iti *Guide d'étude de la Parole de Dieu* tuhaa 2.

31 NO TITEMA–6 NO TENUARE

TAO'A RAU BIBILIA | OHIPA 19-20

"A haapao maitai ia outou iho e i te nānā taatoa"

bt-F 172 par. 20

"E ere no 'u te hape ia ore te taata e faaorahia"

²⁰ Mea ē to Paulo huru oraraa i te feia o te imi i to ratou maitai i nia i te tua o te nānā. Ua rave

oia i te ohipa no te aufau i ta 'na iho mau haamâu'raaa. Aita ia oia e faateimaha i te amuira. Aita oia i tauturu i to 'na mau hoa Kerisetiano no te fana'o i te tahiti mau fana'raaa. Ua ru o Paulo i te mau matahiapo no Ephesia ia faatupu i te huru feruriraa haapae. Ua parau atu oia: "Ma te rohi mai teie te huru e tauturu ai outou i tei paruparu, a haamana'o atoa 'i i ta te Fatu ra o lesu i parau: 'E rahi a'e te oaoa ia horoa 'tu i te horoahia mai.'" —Ohi. 20:35.

A maimi i te mau poe pae varua

bt-F 161 par. 11

Noa 'tu te patoiraa, ua parare e ua rahi te parau a lehova

¹¹ Ua paraparau paha o Paulo i te hoê piha rarahi o tera fare haapiiraa i te mau mahana atoa mai te hora 11 i te poipoi tae atu i te hora 4 i te ahiahi. (Ohi 19:9) E mau hora maitai roa, mea rahi râ te taata no te mea tera te taime e faaea 'i te taata i te ohipa no te tamaa. A feruri na. Ahiri o Paulo i pee maite ai i taua porotarama ra, ua rave oia hau atu 3 000 hora no te haapii ia vetahi ê. Teie ia te tahiti atu tumu no te aha te parau a lehova i parare ai e i rahi mai ai. E taata itoito o Paulo. E haapao atoa oia o vai te faaroo ra ia 'na. Ua faatano oia i ta 'na porotarama ia au i te mau hinaaro o te taata. Eaha te faahopearaa? "E faaroo atura te taata atoa e parahi ra i te fenua Asia, te ati Iuda e te taata Heleni atoa, i te parau a te Fatu." (Ohi. 19:10) E pororaa faahiahia mau ta 'na i rave, e ere anei?

bt-F 162-163 par. 15

Noa 'tu te patoiraa, ua parare e ua rahi te parau a lehova

¹⁵ I muri a'e i te faahaamaraa tei tupu i nia i te mau tamaiti a Sekeva, e rave rahi tei mäta'u i te Atua e te vai atu â tei riro ei Kerisetiano e te faaea i te rave i ta ratou mau peu tahutahu. I roto i te ta'ere no Ephesia, e matau te taata i te peu tahutahu, a faaohipa pinepine ai i te pifao e te taritoa, oia atoa te parau tahutahu tei papai-roahia. I teie nei, e rave rahi to Ephesia tei haaputu i ta ratou mau buka tahutahu no te tutui i te rei-

ra i mua i te taatoaraa. Ia au i te faufaa o te moni o teie tau, ua raea hoê mirioni farane te moni o te taatoaraa o taua mau buka ra. Te papai ra o Luka: "No reira, parare noa 'tura te parau a lehova ma te mana rahi e puai noa 'tura." (Ohi. 19:17-20) E upootiaraa faahiahia mau o te parau mau i nia i te haavare e te ohipa demoni, e ere anei? Te horoa nei teie mau taata taiva ore i te hoê hi'orraa maitai no tatou i teie mahana. Te ora ra tatou i roto i te hoê ao mea rahi roa te ohipa tahutahu. Te vai ra anei ia tatou ra te hoê tao'a taaihia i te ohipa tahutahu? E hinaaro iho â tatou e rave mai ta to Ephesia, oia hoi faarue oioi i te reira! Eiaha e tamau i te rave i teie mau peu hairiiri, noa 'tu eaha te haamâu'raaa.